

# Ubumi

**Ipepala 8**

hello@dignityonline.org.uk

+447340 573 937

## Abena Samaria Abasuma

Ilyashi Iya mwina Samaria Musuma ilyaba mu Cipingo lyashi limo pa malyashi yakale ilyaishibikwa apakalamba. Kuti mwabelenga muli Luka 10:24-37. Umuntu umu aleya ku Jericho ilyo ifipondo fya musanshile no kumusha nafwa icipupu. Panuma fye ya nsa shinono abantu batatu baishile pita ukwali uyu umuntu lelo umu fye pali abo ewa mwafwile. Uwantanishi, shimapepo, uwalingile ukwishiba icitemwiko ca kwa Lesa, apitile fye pa mbali. Uwa cibili, umwina Lebi, naena emuntu uwaishiba amafunde yakwa Lesa, apitile pa mbali no kulabako. Pakulekelesha, umwina Samaria, umuntu umbi umbi fye, apalemeko no kwafwa ulya muntu washele nafwa icipupu.

Yesu alandile ili ilyashi ilyo uwa mafunde umu amwipwishe ifyo alingile ukucita pakuti apyane umweo wa muyayaya, mu musango umbi ekutifa ifyo engakesha Lesa. Yesu apwishe shi mafunde ifyo wena ale tontonkanya uyo atile, "Uletemwa Shikulu Lesa obe ku mutima obe onse na ku mweo obe onse na amaka yobe yonse." Elyo kabili "Uletemwa umwina mupalamano nga wemwine." Yesu atile naulungika lelo amusonsombele ukucila pali ifyo. Yesu aumine umulumbe wa mwina Samaria musuma elyo amwipwishe, "Ni ani pali aba batatu uwali umwina mupalamano waulya baumine ku fipondo?" Shi mafunde atile, "Ni ulya uwa mubelele inkumbu." Elyo Yesu amwebele ukuya no kula cita cimo cine.

Cili fye ica anguka ukumfwa te ifyo fine? Nomba te sana iyo! Shi malango nalimo nga apele sana umucinshi kuli Shi mapepo no mwina Lebi. Ali nokutontonkanya ati umwina Samaria ewakulekelesha ukusubila ukwafwa umuntu. Abena Samaria baishibikwe ukuti bantu abasulwa kabili aba panshi abashale konkka amafunde yakwa Lesa yonse. Yesu apilibwile itontonkanyo lyakwa shi mafunde ukulifulamuna pakutifa ati umuntu uyo tamule subila ewa sekesho Lesa.

Mu cipanda cesu, kuti twasula abantu bamo nokulabako ku bantu abo twapata nelyo abo tatusuminishanya nabo, abanaka, nelyo aba pesamba. Iyo te nshila yakwa Lesa iyo. Ena afwaya ifwe ukutemwa abantu bonse no ku babimbamo mu kulingana. Icipanda cakwa Lesa cikabila abantu bonse abaishiba Yesu naba cili balesambilila ukumwishiba, nabo bene abacilli tababla mwishiba. Abantu 'abakunse' nabo balafwaikwa sana fye. Ubuyo nakuba kusekesha Lesa elyo tulekabila 'Abena Samaria' ukuti batushinguluke elyo twingacita uyu mulimo bonse pamo. Ube uwakakuluka ukumona inshila Lesa alemiletelamo pamo na bantu mu mweo obe. Ubomfye isho nshila mukufundilamo abantu pali Yesu elyo no kuba uubombela pamo na bantu bonse abo Lesa ale leeta ku ntanishi yobe.

### Bikeni Muku Cita!

Ilyo Yesu aebele shi mafunde ukuyacita cimo cine, awe aloseshe fye umu mwine. Ni bani abatushinguluka abo tulingile ukulanga icitemwiko no kwafwilishako?

Ica cibili, ninani tulemona ukuti e Mwina Samaria? Ni bani abakunse, abo teti tusubile no kuba mu cipanda cakwa Lesa? Kwateni inshita nabo, beshibeni limbi no ku bombako nabo imilimo ya mu cipanda cenu. Beni pamo 'Abena Samaria' basuma.


### Pepeni ukutifa:

- 1) Lesa aka kwisushamo inkumbu.
- 2) Lesa akabomfya abantu abashilesubilwa sana ukuleta icilolelo mu cipanda cenu.



Ilyo Brenda atile, "Nalishiba ukuti ine nyenda fye uwafwa kale" alelosa ku bulwele ubwa HIV ubuntu alwele. Nomba panshita ino alishiba Yesu ukupitila mu Ibumba Lyabumi kabili alisanga insansa ishitya. Alitendeka na kabungwe aka kutungilila abantu abalecula no bulwele bwa HIV Aids. Alabafwako ukwishiba Yesu no kusanga insansa!

**- Brenda, Katima Mulilo, Namibia**



Isambililo ili lyafumine mu "Umuntu onse aliba no mulimo" isambililo ilyaba mu Ukulimba, icitabo icafwa abantu ukulimba elyo no kutungulula Ibumba Lyabumi.

Kuti mwasanga na fimbi apa:

[dignityonline.org.uk/publications](https://dignityonline.org.uk/publications)